

《大乘理趣六波羅蜜多經》法要

罽賓國三藏般若奉詔譯 寂慧

淨戒波羅蜜多品第六

慈氏菩薩問圓滿淨戒波羅蜜多。何名淨戒？防何過失？云何護持而得清淨？設護持戒，現在未來有何果報？云何守護當證阿耨多羅三藐三菩提？

佛答：應當如是發廣大心，普為憐愍一切眾生，所謂不怖地獄，不求生天，不為己身自求解脫護持禁戒？若見有情毀禁戒者，當勸令堅持淨戒；若諸凡夫自不清淨，為毀戒者雖說正法勸他持戒，終不信從，反被輕呵。

何名淨戒？若有眾生發菩提心，普為一切五趣四生，乃至護持一禁戒者，亦得名為入佛淨戒波羅蜜多，得無上正等菩提。見諸有情墮於惡趣，應當修習淨戒波羅蜜多，拔濟令出置於涅槃。

防何過失？修行時有三大障：1·瞋恚2·慳貪3·染欲。貪他財物·瞋退大悲心·痴愛染欲皆障也。

復次，菩薩應當修習十種淨戒：身三口四意三。身三者離殺盜淫；口四者虛誑、離間、粗惡及無義語；意三者離貪瞋痴。復次，有是淨戒非波羅蜜多，取相持戒，不為最勝之所攝受，但名淨戒非波羅蜜多。何以故，但獲三界有漏果報，壽盡無故。若普為一切眾生護持禁戒，觀第一義空無我人相，而為有情護持禁戒，是則名為淨戒波羅蜜多，能令眾生速得無上正等菩提。

安忍波羅蜜多第七

慈氏菩薩問佛：修行安忍波羅蜜多，云何進求而得圓滿？

此安忍復有幾種？

修行者功用如何？

佛答：生死涅槃，悉皆平等，以無分別，是名安忍波羅蜜多。

忍伽陀藥，能治自他一切瞋恚煩惱毒病，是名安忍波羅蜜多。

菩薩雖見生死流轉諸苦，以安忍力代為受之，經無量劫不辭厭倦，亦無棄捨而取涅槃。復次菩薩以安忍力，能捨一切頭目髓腦，身肉手足，及與身命，心無悋惜。

若聞粗語，應諦觀察，能罵之人，及所罵法，二俱無常，剎那不住，何有瞋耶。罵法既空，我身亦爾，閱彼無常生滅不住，以不住故，一切皆空，作是觀時，無量怨賊，一時消滅。若離此觀，取相分別，但名安忍，不得名為波羅蜜多，五蘊無我，乃至十八界等，悉亦無我，如幻如化，毀、讚平等，本性空寂，亦復如是。

復次，見毀罵者，當生憐愍，如是之人，瞋魔所持，煩惱所覆，應生大悲愍而安忍之，雖能如是，但名安忍，若離分別，是則名曰波羅蜜多。

精進波羅蜜多品第八

慈氏菩薩向佛言：精進波羅蜜多應云何住？云何降伏？云何修行？云何圓滿？

佛告慈氏菩薩：所謂修餘五種波羅蜜多，皆精進力而能成就。精進波羅蜜多謂身口意，此三善業皆因精進力方得發生，而三業中，意業最勝。意業有二種心，一者精進，二者退轉。所謂發起菩提心是精進，止息菩提心是退轉。云何發起？云何止息？……